



basic education

Department:
Basic Education
REPUBLIC OF SOUTH AFRICA

**DITLHATLHOBOTSA NGWAGA LE NGWAGA TSA BOSETŠHABA 2015
KAEDI YA DITEKO
DIPALO: SETSWANA
MOPHATO 2**

MATSENO

Tsheko ya 2015 ya Diteko Tsa Ngwaga le Ngwaga tsa Bosetšhaba (ANA 2015) e tla diragadiwa mo dikolong tsothe tsa puso le tse di rileng¹ tse di ikemetseng ka Lwetse 2015. Mo pakeng eo barutwana botlhe ba ba mo mephatong ya 1 - 3 ba tla kwala diteko tsa bosetšhaba tsa Dipuo le Dipalo. Dipholo di tla dirisiwa go dira pegelo ya tswेतso tebang le go fitlhelela maikaelelo a *Leano la Tsamaiso la Thuto la 2014 go ya Thutong ya 2025*.

Diteko tsa ANA di tla kwalwa mo nakong ya kgweditharo ya boraro ya sekolo, ka jalo Lefapha la Thuto ya Motheo (DBE) le dirile ditokomane tsa dikaedi tsa ditlhatlhobo tse di neetsweng mophato le serutwa sengwe le sengwe (Dipuo le Dipalo). Kaedi e, e thadisa bonnye diteng tsa kharikhulamo tse di tshwanetseng go diragadiwa ke barutwana botlhe pele ga go kwalwa ga teko. Kaedi e neelana ka tekanyetso ya thulaganyo ya tiro e e tla akarediwang mo tekong ya mophato le serutwa sengwe le sengwe. Dikaedi tsa teko di tshalosa tiro e e tla akarediwang mo ditekong tsa mophato mongwe le mongwe le serutwa sengwe le sengwe. Kaedi ya Diteko tsa Ngwaga le Ngwaga tsa Bosetšhaba tsa 2015 (ANA 2015), e rulagantswe go ya ka lenanethuto la Kgato Motheo le le dirisiwang.

KGATO MOTHEO

Mo Mephatong ya 1- 3 diteko di tla akaretsa tiro e e beetsweng dikgweditharo tsa ntlha tsa ngwaga wa dithuto. Mo mephatong e, dikaelo di rulagantswe mo dikholomong di le tharo le mo meleng. Mo moleng o o neilweng, karolo ya bokgoni e e tla tlhatlhobiwang e totobetse mo kholomong ya ntlha, diteng tse di tlhatlhobiwang di totobaditswe mo kholomong ya bobedi, bokgoni jo bo totobetseng jo bo tlhatlhobiwang bo supilwe mo kholomong ya boraro.

Go botlhokwa go lemoga gore Kaedi ya ANA 2015 ga e reye gore tiro e e lekanyeditsweng mo thulaganyong ya Kaelo ke yona fela e e tshwanetseng go rutwa le go ithutwa mo ngwageng o wa dithuto. E raya gore thulaganyo ya Kaelo e akaretsa fela bonnye lenanethuto le le tshwanetseng go ka fitlhelelwa kwa bofelong jwa kgweditharo ya boraro ya sekolo.

¹ “Dikolo tse di rileng ” tse di ikemetseng ke dikolo tse di solofelang go bona tshegetso ya puso fa di kwadisa barutwana ba tsona ba Mophato 3 kgotsa Mophato 6 ANA.

Barutabana ba solofetswe go dirisa dikaedi ga mmogo le dithusathuto tse dingwe mo mananeong a bona a go ruta le go tlhatlhoba.

DITENG TSA SERUTWA	DITLHOGO	DIKGOPOLO LE DIKGONO Go tlhatlhobo gore a morutwana o kgona go:
Dipalo, Matshwao le Dikgolagano	Balela kwa pele le kwa morago	Balela kwa pele le kwa morago ka <ul style="list-style-type: none"> bo1, bo10, bo5, bo2, bo3 bo4 go tswa go palo nngwe le nngwe magareng ga 0 le 180
	Matshwaopalo le Mainapalo	Kwala matshwaopalo 0-180 Kwala mainapalo 0-75
	Tlhalosa, Bapisa le go rulaganya dipalo	Bapisa palotlalo go tswa go nnye go, kgolo go, le ntsi go, nnye go le lekana le. Rulaganya dipalotlalo go tswa go e nnye go ya go e kgolo.
	Bolengkemedi	Tlhatlhamolola palomonopedi mo dikatisong tsa bolesome le bonngwe. Tlhaola le go bua ka boleng jwa palo nngwe le nngwe
	Ditogamaano tsa go rarabolola dipalo	ditshwantsho Oketsa gabedi, o be o kgaoganye ka bogare, Aga le go kgaoganya dinomoro Thala melapalo
	Tlhakanya le go ntsha	Dirisa matshwao a a maleba (+, - , □ , =) Tlhakanya go fitlha go 75 Ntsha go tswa go 75
		Rarabolola dipalofoko mo tirisong mme o tlhalose karabo ya gago ya dipalo tse di akaretsang tlhakanyo le ntsho ka dikarabo go fitlha go 75.
		Atisa dinomoro tsa 1 go fitlha go 10 ka 2, 5 le 4 Dirisa matshwao a a maleba (+, -, =, □)
	Tlhakanyopoeletso e e isang kwa go atiseng	Rarabolola dipalofoko mo tirisong mme o tlhalose karabo ya gago ya dipalo tse di akaretsang tlhakanyopoeletso le katiso ka dikarabo go fitlha go 40
Go kgobokanya le go kgaoganya	Rarabolola dipalofoko tse di akaretsang kgaoganyo ka go lekalekana le kgobokanyo ya dipalotlalo go fitlha ka 40 e e akaretsang dipalo tse di nang le	

DITENG TSA SERUTWA	DITLHOGO	DIKGOPOLO LE DIKGONO Go tthatlhofo gore a morutwana o kgona go:
		sesala
	Dipalophatlho	Lemoga dipalophatlho mo setshwantsong Dirisa le go neela maina a dipalophatlho go akaretsa dihalofo, dikotara, nngwetharong le nngwetlhanong Go kwala dipalophatlho jaaka halofo le 2-tharong
	Madi/Tšhelete	Rarabolola dipalo tsa tšhelete tse di akaretsang palogotlhe le tšhentšhi go fitlha go 75c le diranta go fitlha go R75 Lemoga le go tlaola tšhelete yotlhe ya Aforika-Borwa ya tshipi le dipampiri 5c, 10c, 20c, 50c, R1, R2, R5 le ya dipampiri R10, R20, R50
	Dipaterone tsa jeometeri	Kopolola le go atolosa dipaterone tse di bonolo tse di dirilweng ka go thala mela, dipopego le didiriswa
Dipaterone, Ditiriso le Alegebera	Dipaterone tsa Dipalo	Kopolola le go atolosa tatelano e e bonolo ya dipalo bonnye go fitlha go 180 ka go balela kwa pele le kwa morago ka <ul style="list-style-type: none"> - bo 1 go tswa go dinomoro magareng ga 0-180 - bo2 go tswa go dinomoro magareng ga 0-180 - bo 3 go tswa go katiso ya 3 magareng ga 0-180 - bo 4 go tswa go katiso ya 4 magareng ga 0-180 - bo 5 go tswa go dinomoro magareng ga 0-180 - bo10 go tsa go dinomoro magareng ga 0-180
Boalo le popego	Kemo, kitsiso le matlhakore	Latelela ditaello go tsamayatsamaya mo phaposiborutelong
	Didiriswa tsa tekanyotlhakoretharo	Lemoga le go naya didiriswa tsa tekanyotlhakoretharo tse di mo ditshwantshong maina <ul style="list-style-type: none"> - Popego ya bolo (kgolokwe)

DITENG TSA SERUTWA	DITLHOGO	DIKGOPOLO LE DIKGONO Go tlhatlhofo gore a morutwana o kgona go:
		<ul style="list-style-type: none"> - Popego ya bokoso (porisime) - silenere <p>Tlhopa di diriswa tsa jeometri le tsa letsatsi le le letsatsi tse di kgokologang le tse di relelang ka go tlhalosa gore a di bopegile jaaka bolo, jaaka lebokoso kgotsa jaaka selenere</p> <p>Bapisa didiriswa tsa tekanyotlhakoretharo go ya ka bogolo, didiriswa tse di kgokologang le tse di relelang</p>
	Dipopego tsa tekanyotlhakorepedi	<p>Lemoga le go kwala dipopego tsa tekanyotlhakorepedi</p> <ul style="list-style-type: none"> - dikgolokwe - dikhutlotharo - dikwere - dikhutlonnetsepa <p>Bapisa dipopego tsa tekanyotlhakorepedi go ya ka bogolo, mmala, popego, matlhakore a a tlhamaletseng le a a kgolokwe</p>
	Tekano	<p>Lemoga le go thala mola wa bogare mo dipopegong tsa jeometri le tse e seng tsa jeometri tsa tekanyotlhakorepedi</p>
Tekanyo	Nako	<p>Neela maina a malatsi a beke le tatelano ya ona</p> <p>Neela maina a dikgwedi tsa ngwaga le tatelano ya tsona</p> <p>Neela nako ya diura tse 12 ka diura, halofo ya ura, kotara ya ura mo tshupanakong ya manaka</p> <p>Balela boleele jwa nako le go tsamaya ga nako</p>
	Mothamo	<p>Lekanya, bapisa le go rekota bokete jwa ditshodi (ke gore mothamo o setshodi se ka o tshwarang fa se tshetswe sengwe) ka go dirisa tekanyo e e sa tlhomamang, sekao leswana le komiki</p>

DITENG TSA SERUTWA	DITLHOGO	DIKGOPOLO LE DIKGONO Go tthatlhofo gore a morutwana o kgona go:
		Lekanya, bapisa, rulaganya le go rekota mothamo wa ditshodi (mothamo o ditshodi di o tsholang fa di tletse)ka go dirisa tekanyetso e e sa tthomamang sekao maswana le dikomiki <ul style="list-style-type: none"> - mabotlolo a mothamo wa litara e le 1 - jeke ya go lekanyetsa e e nang le mela ya dinomoro tse di kwadilweng ka dilitara
	Boima	Lekanya,bapisa, rulaganya le go rekota boima o dirisa sekalettekanyetso le tekanyo e e sa tthomamang, sekao diboloko, ditena Dirisa puo go bua ka papiso sk. botlhofo. Bokete, botlhoswana, bokejana
Go dira ka tshedimoseetso ya dipalo	Utolola le go ranola	Rulaganya tshedimoseetso mo molanokong Araba dipotso ka tshedimoseetso mo molanokong